

չէր: Այս մտքի հետ չէին հաշտուում կալուածատէրերը, այլ ձգտում էին հէլլէն-հռոմէական կարգերով՝ ընկճուելուց, յաղթողի գերիշխանութիւնը ճանաչելուց յետոյ էլ, նորից անսահման տէր եւ իշխանաւոր մնալ իրենց նախկին իշխանութեան: Բայց արիական աշխարհի օրէնքները չէին հաշտուում այդ մտքի հետ. կալուածքը չէր կարող երկու տէր ունենալ, նրա տէրը միմիայն երկրամշակն էր եւ պետութեան պահպանութեան համար կալուածքից չէր կարելի երկու հարկ առնել, այլ մի պետական հարկ. իսկ երկրադործը զուրս էր գալիս իշխանի ճորտութիւնից, հարկատուութիւնից, դառնում էր համապետական հարկատու ժողովուրդ:

Է.

Լիվանայի Հովիտը եւ Խալխալ:

Պալխար վտակի հովտին կպած է Ճորոխի այն ընդարձակ, կենդրոնական հովիտը, որն անբաժանելի կերպով միացած Պահլ-Բալխարին եւ կոչուում է Լիվանա: Ճորոխը այս հովտում ընդունում է ձախից Կոլիկի, Ալտեթի, Օկերի, Ջորի, Բիտի, Ուխշումի, Խորդայի առ-րը, որոնք սոռոգում են համանուն գեղերը, նրանց մացրաները, ախոռները, եայլաները, աւերակ բերդրն ու ամրոցները: Ապա Ճորոխին միանում է Փետուցջուր